

高山

和文注琴譜：（清康熙十五年前即 1676 年前）

懸崖削壁，天外雲間，蓬萊第一山。遠隔人闌，崖崑凌漢，縹緲近玄關。巉巖石磴，有客也擬扳援。量何寬，量何寬，憑空列岫，昂昂藏藏，峯律潺湲。倚屏執戟躡層巒。供詩入興，坐眺行觀。索笑怡顏，索笑怡顏。崖草雙懸鸚鵡綠，澗花紅點鷓鴣斑。風聲黛色，最宜晚眺朝看。般樂且投閑，托身安，得身安。志乎三友歲寒，松萬籟也竹千竿。相與盤桓，飲霞殮。漫漫，構來詩社琴壇，由我闌珊。

望崑崙峯峯嶺嶺，掛月也留雲。白衣難着體，素魄礙征輪，天一與中分。翠色氤氳，芳草四時春，香風暖日晴薰。自然親，巉巖氣象不凡羣。仁人相看青眼也主和賓，興懷觸目怡情。苟容身，苟容身。石兮蘊蓄美玉自溫溫。結茅猿鶴也爲鄰，相與的那往來頻。棋聲鳥語時聞，向陽花木欣欣。樂天真，放歌長笑，無異葛天民。生涯風月琴樽，逡巡，孤高誰與爲倫。青苔白石落得自相因，芒鞋竹杖綸巾。笑眉顰，樵童牧叟那問我根源。

巨鎮巨鎮，那中擎玉柱，東南撐掛危顛。碧雲連，看蒼蒼白晝那鎮油然。西林月落，午夜聽啼鶯。歛空嵐氣溫蒸暉，日光穿澗，露華曉烟。鮮妍。層岩虎臥，深洞龍眠。千崖萬壑無邊，孰奇有客盤旋。桃花夾岸，玉界芝田，春風春雨年年。石罅瀉流泉，何人拭飲涓涓。龍門禹穴，蘿烟涼月晚風前。酒聖詩禪，無事小神仙，十洲三島世相傳。形孤玉掌，勢展擎拳那擎拳。欲畫難全，竹友梅兄好結緣。酒聖詩禪，無事小神仙，十洲三島世相傳。

峯嶺靜存仁道，厚重不遷。斯人那所好從高，安於義理，斯人所好樂，寂然不動，悠悠不老。靜而用，壽而敬，景慕深期歛。造相看不厭，四氣青青貌。遠映文峯巧，文峯巧，鬱鬱雲遮霧罩。誰曾到，疊嶂回巒，芳岑隱豹，知有高人蹈。屏行藏，藏此山中也趣味最悠長。經史架，藤木床，詩也酒也兩徜徉。吁嗟世事苦奔忙。高山高，壓太行，任我那狂狂。萬樹松風透骨香，萬樹松風透骨香，一掬清泉透骨涼，清涼馨香。一掬清泉透骨涼，清涼馨香。